



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Dirckinck, Johann

Coloniae Agrippinae, 1713

15. Maria & flumina symbolum tertium æternitatis.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

libens sustineat; ut tot sæculorum tormenta evadat? Quis omnia mundi gaudia non libens spernat; ut sæculorum infinitorum gaudia in cælo acquirat? *Finiti ad infinitum nulla proportio.*

CONSIDERATIO XV.

III. Symbolum æternitatis,

maria & flumina.

Absque ullo numero. 2. Paralip. c. 5. 6.

12. Februarii.

Dari in rerum natura æternitatem, ex eo patet, quia Deus est: qui si hoc est, quod naturâ suâ esse debet, & quod esse concipitur, quando verè & debitè concipitur, necessario æternus est; ac proinde æternitate suâ æternus est, ideóque æternitas est: quemadmodum enim impossibile est, Deum non esse, ita & impossibile est, æternitatem non esse. Atque hæc est æternitas completa & essentialis, à qua in Angelos & homines æternitas incompleta & quasi dimidiata promanat.

II. Umbra prorsus est & umbrarum umbra, quidquid de utraque ista aternitate vel concipimus, vel dicimus, vel scribimus, vel pingimus, vel numeramus: siquidem omnem conceptum, omnem loquelam, omnem calamum, omnem penicillum & numerum longissime excedit.

III. Pro meliore tamen intelligentia, juvat eam diversimodè, & aliis atque aliis similitudinibus, & umbrarum lineis, descriptam, ob oculos ponere; ut cordibus nostris profundius imprimatur; & secundum ejus dictamina, vita instituat. Juvat enim in hac vita ejus convictui insuescere, cum ea familiaritatem quandam inire, ut ad illam quotidie magis magisque disponamur ac præparemur.

Colloquium.

O Aternitas! cum ego in te, aliquando sim permansurus, & in te veluti Domo habitaturus: an non optimo utar consilio, si tecum hinc quandam familiaritatem contraham? Ita sanè: quare me tecum deinceps occupabo; te mihi demereri

mereri ac promereri studebo ; ut cum tempus advenerit, ad te emigrandi, bonam te, beatamque inveniam. Agam tecum libenter deinceps, crebro de te cogitabo, de te loquar & tecum colloquar. *Non enim habet amaritudinem conversatio illius, nec tedium convictus illius, sed letitiam & gaudium.* Sap.c.8.16.

13. Februarii.

I. Proponamus eum in finem tertium symbolum æternitatis ; *maria* scilicet & *flumina* mundi. Animo concipe, à supremo Numine, ex cœlesti aula ablegari Angelum, ad Damnatorum rogam; qui illos Dæmonis captivos, hisce verbis alloquatur :

II. Mandavit mihi Dominus, ut ex Rheno, Danubio, Pado, Rhodano, Sequana, cæterisque mundi fluviis, singulis annorum centuriis, unicam auferam guttam, donec omnes, guttatim exhausti fuerint.

III. Quo peracto, pergam ad evacuanda maria ; incipiamque à mari Adriatico; inde pergam ad germanicum,

126 *Domus aternitatis. Consideratio*
inde ad Ægæum, inde ad Oceanum ori-
entalem, occidentalem, meridionalem
& septentrionalem, mediterraneum,
Magellanicum, Æthiopicum, donec
omnia guttatim exhausero.

Admiratio.

Quot labentur sæcula, antequam
vel unus evacuetur Rhenus? Quot
sæculorum millia & millions, prius-
quam exantletur vel unicus oceanus ger-
manicus? Et quid hæc omnia ad longis-
simam æternitatem? Vix roris stillula,
vix aquæ guttula, vix maris arenula,
atomus, punctum.

14. Februarii.

ID Enique subjungit Angelus, post
exhausta, prædicto modo, stilla-
rim omnia flumina & maria, ô Damna-
ti! tunc cuncta vestra cessabunt tormen-
ta, vósque carcere tartareo exempti, in
libertatem cœlitum asseremini, eritisque
æternùm beati! Quid ad hæc Damnati?
Maximo sanè gaudio, & solatio incredi-
bili perfunderentur tam læto nuntio:
quia

quia tandem aliquando , licet post incomprehensibiles annorum myriades , certò demum adveniret miseriarum finis & salutis principium.

II. Confirmat hoc S. Antoninus 4. p. tit. 14. c. 5. dicens : *Damnati haberent pro maxima gratia, & summo beneficio, ut in illis pœnis essent tot annis, quot sunt grana arena maris, & gutta aquæ ejus. Illa etsi à nobis numerari non possint, præ multitudine; at à divina tamen sapientia numerantur, quæ omnia constituit, in pondere numero & mensura.*

III. Ah! Ita est, summo replerentur solatio Dammati, ab accepto tam beato nuntio: sed prò dolor! in æternum non obtinebunt. *Erubescant impii & deducantur in infernum. Psal. 13. 18. Ubi in æternum non videbunt lumen. Deleantur de Libro viventium, & cum justis non scribantur. Psal. 68. 29. Nec cum Sanctis beentur in æternum.*

* *
*

F s

Aff.

Affectus spei.

Domine Deus meus, in te speravi, sal-
vum me fac ex omnibus persequen-
tibus me & libera me. Psal. 7. 1. Usque in
senectam & senium, Deus, ne derelinquas
me. Psal. 70. 18. Nec sinas me unquam
in tale dementiæ barathrum ac profun-
dum delabi; ut pro exigua pestiferæ vo-
luptatis gutta, integrum æternæ dulce-
dinis & consolationis mare amittam: &
pro honoris, bonive temporalis stilla,
tormentorum infernalium oceanum
promerear, totâ æternitate non exhau-
riendum. Quanta enim hæc foret in-
sania? Si prudentes putantur qui agunt,
ne perdant paucos dies; quàm stulti sunt,
qui sic vivunt, ut perdant ater-
num diem? S. Augustin.



CON.